

kontuola

KONTUOLA, Idolaz elkarte, ANTZUOLA. Kazetaria: Aintzane Irizar **Publizitatea:** Mireia Larrañaga **Erredakzio kontseilua:** Miren Anduaga, Gotzon Iparragirre, Patxi Kortabarria, Jone Larrañaga **Testuen zuzenketak:** Sergjo Azkarate, Gari Bragado **Telefonoa:** 943 76 03 97 **Faxa:** 943 76 29 77.

Antzuolako hamabostekaria, 80. zenbakia. 2001eko ekainaren 8a.

Haur Dantzarien Eguna herriko kaleetan domekan

Bi urtetik behin antolatzen dute Antzuolan egun hori

Oinarin dantza taldeak antolatuta, Haur Dantzarien Eguna ospatuko dute datorren domekan, ekainak 10, Antzuolan. Sei herriko dantza taldeek esku hartuko dute, 250 bat ume guztira. Horietatik, ia hirurogei Oinarin dantza taldekoak dira. Bi urtetik behin ospatzen dute Antzuolan egun hori.

Inguruko herrietako zazpi dantza taldek esku hartuko dute domekan haurren egunean: Oñatiko Oñatz taldea, Arrasateko Lore Gazteak eta Txikitxu dantza taldeak, Soraluzeke Urrats, Aretxabaletako Loramendi, Bergarako Xamatx dantza taldea eta Antzuolako Oinarin, hain justu ere.

Goizeko hamarretan herriko txistulariek kalejira egingo dute. 10:30 aldera iritsiko dira kanpoko herrietako umeak. 11:15ean, berriz, talde guztiek, txistulariekin batera, kalejira egingo dute.

Lehenengo dantza saioa 12:30ean egingo dute herriko plazan. Mutilek Luanakoa eta Txankarrankoa dantzatuko dituzte; neskek, berriz, Esku-dantza eta Arku-dantza. Gero, neska eta mutil, guztiek batera egingo dute dantza: Korulari, Eusko-dantza eta Makil Txikikakoa, hain justu.

Bazkalordurako, 13:30 aldera, umeak etxeetan banatzen hasiko dira antolatzailak. Ia 100 etxetan bazkalduko dute umeek. Antolatzailak eta begiraleak, berriz, 60 lagun, Olalde elkartearen bazkalduko dute.

Bazkalostean, jolaserako aukera ere izango dute umeek, izan ere, arra-



Oinarin dantza taldeko 60 bat umek parte hartuko dute domekan.

tsaldeko saioa ez da 17:00ak arte hasiko. Herriko plazan izango da hori ere, eta talde bakoitzak dantza berezi bana egingo du.

Guztiek euren dantza eskaini eta gero, denek batera hainbat dantza egingo dituzte: Zazpi Jauzi, Txulalai eta Saint Petit dantzak hain zuzen ere.

OINARIN TALDEKO 60 BAT UME

Esan bezala, 250 bat umek esku hartuko dute datorren domekan Antzuolan. Sei eta hamabi urte bitartekoak izango dira guztiak. Horietatik, 60 bat Oinarin dantza taldekoak. Ume eta nagusi, denak kontuan hartuta, berriz, ia 90 bat dantzari ari dira Antzuolako taldean.

■ ■ ■
Eguerdiko 12:30ean eta arratsaldeko
17:00etan izango dira saio nagusiak
■ ■ ■

Euskal selekzioa izan zuten hizpide hainbat euskal kirolarik

Euskal selekzioaren gainekoa baino, aldekoa izan zen mahai ingurua

Joan den asteko eguazteneko mahai ingurua euskal selekzioaren gainekoa izan zen, baina euskal selekzioaren aldarrikapena izan zela ere esan genezake. Ez zen jendetzarik izan, baina han izan zirenak gustura egon ziren, behinik behin. Kirolari ezagunak tartean izanda, gainera, umeak nagusi.

Athleticetik Joseba Etxebarria etorri zen; Realetik, Aitor Lopez Rekarte eta Igor Gabilondo; Euskal Selekzioaren Aldeko Iritzi Taldeko (ESAIT) kide bat ere izan zen, Gabriel Falero "Txiki" hain zuzen; eta, azkenik, baita antzuolar bat ere, Aritz Berraondo pilotaria. Moderatzaile, berriz, Anartz Agirre GOITBko kazetaria izan genuen.

Berandu samar hasi zen, (Realeko ei kosta egin zitzaizen helduek), hogeimitu berandu. Udaletxeko arkupeetan elkartu ziren ume guztiak urduri zeuden ordurako. Izan ere, kirolari handiak ziren tartean, eta ondo prestatuta agertu ziren ume guztiak, nork bere papera eta bolaluma eskuan hartuta. Hala ere, mahai ingurua bukatu arte itxaron behar izan zuten, Realekoak heldu bezain laster hasi zen-eta mahai ingurua.

Hasteko, ESAITek egindako bideoa ikusi ahal izan genuen: euskal kirolari, kirolariei eta euskal selekzioari buruzko errepasoa egiten zuen, eta hausnarketarako deia ere egiten zion ikusleari.

Kirol guztietan lortu nahi dute euskal selekzioa: sokatiran dela, surfean dela edo futboleko dela, nahiz eta gehienok Gabonetan futboleko euskal selekzioak jokatzen duen partiduekin lotu euskal selekzioaren gaia. Gabriel Falero oso baikor azaldu zen. Izan ere, bere us-



Realekoak, Athleticcekoak, Txiki, Berraondo eta Anartz Agirre kazetaria.

tez, duela urte batzuk amets utopikotzat jotzen genuen gehienok euskal selekzioa lortzea. Orain, berriz, eta, besteak beste, ESAITek egindako lanaren ondorioz, lor daitekeen zerbait dela ikusten du gizarateak.

Bere ustez, "oso ondo dago lagun arteko partiduak jokatzea euskal selekzio moduan, baina hurrengo pausoa eta azken helburua ofiziala izango den eta euskaldun guztiok ordezkatzeko gaituen selekzioa lortzea izan behar du", eta ho-

rren alde lanean jarraitzeko asmoa erakutsi zuen ESAITeko ordezkariak.


FESTA HANDIA OSPATU ZUTEN TOLONAN

ESAIT duela bost bat urte sortu zuten. Duela hiru, berriz, euskal selekzioaren aldeko jaia antolatzen hasi ziren. Aurtengoa Tolosan ospatu zuten joan den domekan, ekainak 3. Festa eguna izan zen, baina baita, era berean, aldarrikapen eguna ere.

■ ■ ■
Euskal selekzioa lortzea posible dela
ikusten du gizarateak, ESAITeko kideen ustez
■ ■ ■

GOROSTI
Taberna

☎ 943 76 62 96
Zurrategi plaza ANTZUOLA



Jose Gomez
Abad

Errekalde 6, 4-B. Antzuola
943 76 60 19
943 76 60 43


AITZ-GARBI



taberna
jaketxea

Pintxoak eta kazuelatxoak.
Bazkariak eta afariak

Kalebarren 15. Tf. 943 78 70 51



Tenisa eta patinaia izango dira udako kirol eskaintza nagusiak. ARTXIBOA

Udan ere izango da kirola egiteko nahiko aukera

Gazteendako, helduendako... denendako egongo da kirol eskaintza udari begira. Uztailaren 2tik 12ra praktikatu ahal izango dira hainbat kirol. Izena emateko epea ekainaren 22an amaituko da, eta parte hartzaile bakoitzak 2.000 pezeta ordaindu beharko ditu. Besteak beste, tenisa, patinajea, boleibola eta badminton a egin ahal izango dituzte.

Eskaintza gazte zein helduei zuzendua dago, esan bezala. Gazteen kasuan, 13 eta 20 urte bitartekoei, goizean izango dutela kirol horietarako aukera. Helduen kasuan, berriz, uztailan jendea lanean ari denez, arratsaldean egin beharko dute kirola. Aukera paregabea, hortaz, Antzuolako jaietarako sasoi onenean egon ahal izateko.

AZKARATE-JAUREGI ETA BITERI AITA-SEMEAK PALETAKO TXAPELDUNAK
Maiatzaren 26an, jokatu zituzten paleta txapelketako finalak. Bi mailatan jokatu da txapelketa; lehenengo mailan, Oskar Azkaratek eta Tomas Jauregik eraman zuten txapela. Bigarren mailan, ostera, Biteri aita-semeek irabazi zuten finala.

AIHERRARA IRTEERA

Ekainaren 17an izango da hori. Aiherrako frontoia inauguratuko dutela-eta, hainbat ekitaldi egingo dituzte aihertarrek. Hala, ospakizun horietara joateko autobusa antolatuta du udalak. Doan izango da autobusa eta joan nahi dutenek, liburutegian edo udaletxean eman beharko dute izena.

ANTZUOLATIK DONOSTIARA OINEZ

Arrolak Antzuolatik Donostiara oinez joateko ibilaldia antolatu du, biharko, zapatua. Bueltarako autobusa egongo da. Bidean ere hainbat tokitan egongo da autobusa, ibilaldi osoa egin nahi ez dutenentzat. Doan izango da irteera hori. Ekainaren 17an, berriz, mendira eta hondartzara joango dira Arrolakoak. Oraindik zein menditara joan erabaki ez duten arren, Getariako hondartzara joango dira ondoren. Izena emateko azken eguna ekainaren 12a izango da. Gazteek 500 eta helduek 1.000 pezeta ordaindu beharko dute.

Dinosauro erakusketa bihar zabalduko dute

Bihar, zapatua, zabalduko dute udaletxeko areto nagusian dinosauro erakusketa. Ekainaren 9, 10, 16 eta 17an egongo da zabalik, 12:00etatik 14:00etara eta 19:00etatik 20:30era. Astean barrena erakusketa ikusi nahi izanez gero ere, badago aukera, udaletxera deituta. Dinosauroen gaineko hitzaldia ere eskainiko dute hilaren 16an.



IGELTSEROTZA

Jose Luis Zabalo

Birgaitzeak • Fatxadak
Teilatuak • Sukalde eta bainu gelak

Kalegoi 9, 1a., ANTZUOLA. Tf. 943 76 60 89

Igor eta Txomin



Margoak orokorrean

ANTZUOLA
609 157 131

BERGARA
609 150 164

MUJIKA HARATEGIA



Berezitasunak:
Etxean hazitako
zekorrek eta oilaskoak

Kalebarren, 1. ANTZUOLA
Tf. 943 76 64 34

LEKU-BERRI MERENDEROA

Janariak eta edariak

Tf. 943 76 60 94

Leire Lizarralde, udalekuetako koordinatzailea

«Ume nintzela, izugarri gustatzen zitzaidan udalekuetara joatea»

Uztailaren 2tik 12ra izango dira udalekuak Antzuolan. Bederatzi begirale arituko dira, Leire Lizarralde tartean. Bera izango da, gainera, udalekuetako koordinatzailea. Leirek 22 urte ditu eta Irakasletzan Haur Hezkuntza ikasten dihardu.

Duela zenbat urte hasi zinen Antzuolako udalekuetan begirale?

Lauzpabost urte izango dira. Udalekuetan begirale aritzeaz gain, Gaztetxokoan ere ibili izan naiz.

Zelan animatu zinen?

Ume nintzela, udalekuetara joaten nintzen, eta asko gustatzen zitzaidan, gainera. Nik uste dut hori izan dela udalekuetan begirale hasteko arrazoietako bat. Halaber, umeak ere asko gustatzen zaizkit, eta hori da beste arrazoi bat. Horregatik ari naiz Haur Hezkuntza ikasten.

Zer adineko umeendako dira udalekuak?

Txikienek bost urte dituzte; nagusi-eneke, berriz, 12. Adinaren arabera hainbat talde egiten dira: bost eta sei urtekoekin talde bat, zazpitik bederatzitik urte bitartekoekin beste talde bat eta, azkenik, hortik aurrerakoak. Hiru adin tarteko zortzi talde ditugu aurten.

Zenbat umek eman dute izena oraingo?

Normalean, 100 bat ume ibiltzen dira udalekuetan; baina, aurten, 70 bat umek eman dute izena. Izena emateko epea igaro den



Leire duela lau urtetik da begiralea.

arren, beti egoten da azken unean etortzen denik ere, baina aurten ez dira izango 70 baino askoz gehiago.

Zenbat begirale arituko zarete umeekin?

si dugun egitaraua azaltzea. Era horretan, eurak informatzeaz gain, euren ikuspuntua ere kontuan hartu nahi dugu.

Zelako ekintzak antolatu dituzue?

Denetariakoak egongo dira. Alde batetik, ume guztiak batera egingo dituzten ekintzak daude: San Ferminak, eta Trekutzerako eta Donostiarako irteerak.

Bestalde, talde bakoitzak bere aldetik ere hainbat ekintza egingo ditu: eskulanak, jolasak... Azken egunean, berriz, bazkaria izango dugu plazan.

■ ■ ■
 «Gurasoekin batzarra egingo dugu, udalekuen gaineko informazioa emateko»
 ■ ■ ■



Zurrategi plaza 4, behea ANTZUOLA Tf. eta faxa 943 78 71 80

Sukalderako eta bainurako altzariak
 Altzari rustikoetan
 espezializatuak

LARREA

TABERNA

**Kalebarren 17
 ANTZUOLA**